

ՀՀ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅՈՒՆ

ՊԱՏՎԻՐԱՏՈՒԻ ՂԵԿԱՎԱՐԻ

Ո Ր Ո Շ ՈՒ Մ N 99

ք. Երևան

24.01.2024թ.

ՀՀ պաշտպանության նախարարության կարիքների համար խորհրդանշական նվերների, ծայնային սարքավորումների, տեղեկատվական վահանակների, ռադիոընդունիչների և այլ ապրանքների ձեռքբերման նպատակով կազմակերպված «ՀՀ ՊՆ-ԳՀԱՊՁԲ-23-3/8» ծածկագրով գնման ընթացակարգի արդյունքում «ՋԵՆԵՐԱԼ ՄՈՐԻՍ» ՍՊԸ-ի /ՀՎՀՀ՝ 00195837, գործունեության հասցե՝ ՀՀ ք.Երևան, Ա. Տիգրանյան փ.,շ. 5/1, բն.20/, հետ 06.11.2023թ. կնքվել է N ԳՀԱՊՁԲ-23-3/8-6 գնման պայմանագիր (այսուհետև՝ Պայմանագիր): Պայմանագրի շրջանակներում «ՋԵՆԵՐԱԼ ՄՈՐԻՍ» ՍՊԸ-ն պարտավոր էր 2023թ. 4-րդ եռամսյակի ընթացքում, բայց ոչ ուշ քան մինչև 30.11.2023թ., մատակարարել 600 հատ ռադիոընդունիչ:

Քանի որ վերոնշյալ ապրանքները մինչև 26.12.2023թ.-ը չեն մատակարարվել (ընդհանրապես չեն մատակարարվել), ուստի հիմք ընդունելով Պայմանագրի 2.1.7.1 կետի «բ» ենթակետը՝ (ապրանքի մատակարարման ժամկետները խախտվել են 20 օրից ավելի) ՀՀ պաշտպանության նախարարությունը **2024թ. հունվարի 15-ին** միակողմանի ամբողջությամբ լուծել է Պայմանագիրը:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

Հաշվի առնելով, այն հանգամանքը, որ «ՋԵՆԵՐԱԼ ՄՈՐԻՍ» ՍՊԸ-ն Պայմանագիրը լուծելուց հետո, չի ներկայացրել պայմանագրի և որակավորման ապահովման գումարների վճարվման կտրոնների բնօրինակները, ուստի, հիմք ընդունելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի ա) պարբերության պահանջները, որոշում եմ՝ «ՋԵՆԵՐԱԼ ՄՈՐԻՍ» ՍՊԸ-ին ներառել գնումների գործընթացին մասնակցելու իրավունք չունեցող մասնակիցների ցուցակում:

ՀՀ ՊԱՇՏՊԱՆՈՒԹՅԱՆ ՆԱԽԱՐԱՐԻ ՏԵՂԱԿԱԼ



Կ. ԲՐՈՒՏՅԱՆ